



# Mauaina o lau laisene aveta'avale

Ta'iala Mo Tagata Faigaluega O Le Pasefika Ma Timor-Leste I Ausetalia

**E mana'omia ona iai sau laisene faamaonia e te aveave ai i totonu o Ausetalia. O le solitulafono le 'aveave e aunoa ma se laisene faamaonia**

O le auala e maua ai lou laisene aveta'avale i Ausetalia e fua i le mea e te nofo ai-e eseese auala mo le mauaina o le laisene i sitete ta'itasi. Taga'i i fa'amatalaga o i lalo i le mea e fai ai lau talosaga mo se laisene aveta'avale.

Teritori o le Taulaga o Ausetalia (ACT)	Transport - Access Canberra: <a href="https://www.accesscanberra.act.gov.au/driving-transport-and-parking/licences">https://www.accesscanberra.act.gov.au/driving-transport-and-parking/licences</a> (o le fa'asologa mo le mauaina o lau laisene aveta'avale i ACT e ese mai i vaega uma o le atunu'u atoa.)
Niu Saute Uelese	Service NSW: <a href="https://www.service.nsw.gov.au/guide/getting-a-nsw-driver-licence">https://www.service.nsw.gov.au/guide/getting-a-nsw-driver-licence</a>
Teritori i Matū	Department of Transport: <a href="https://nt.gov.au/driving">https://nt.gov.au/driving</a>
Kuiniselani	Department of Transport and Main Roads: <a href="https://www.tmr.qld.gov.au/">https://www.tmr.qld.gov.au/</a>
Ausetalia i Saute	Department for Infrastructure and Transport: <a href="https://www.myllicence.sa.gov.au/">https://www.myllicence.sa.gov.au/</a>
Tasemia	Department of State Growth: <a href="https://www.stategrowth.tas.gov.au/">https://www.stategrowth.tas.gov.au/</a>
Vitoria	VicRoads: <a href="https://www.vicroads.vic.gov.au/">https://www.vicroads.vic.gov.au/</a>
Ausetalia i Sisifo	Department of Transport: <a href="https://www.transport.wa.gov.au/">https://www.transport.wa.gov.au/</a>



O soo se vaega lava o Ausetalia, o le solitulafono pe a aveta'avale a'o fa'asuaavā poo le fa'aaogaina o fualaau fa'asāina. O le aveta'avale a'o i lalo o tulaga nei e telē se a'afiaga mo oe ma isi.

## Saogalemū ai i luga o auala

Pe a aveta'avale i Ausetalia, e tatau ona e mautinoa o oe o se aveta'avale fa'autauta ma saogalemū i luga o le auala. E tāua tele le a'oa'oina o tulafono o le auala lea e ono eseese ma le mea sa iai i lou atunu'u (e pei o le aveave i le itū agavale o le auala). O tulafono e eseese i sitete ma teritori ta'itasi, ia fa'amautinoa e te a'oina tulafono e talafeagai ma le nofoaga o loo e iai. Afai e maua oe ua solia le tulafono, e ono totogi sau sala. I matāupu tugā atu, e ono se'ia lau laisene pe faia ni ou moliaga fa'alesolitulafono.

## Ae e te le'i oso i totonu o lau ta'avale:

- ia mautinoa le saogalemū o lou aveina o le ta'avale.
- fuafua lau malaga ia e iloa le mea e te alu ia
- ia e mautinoa e te le o matuā lelavā-ma ia taofi ma fai malologa i taimi uma i malaga uumi
- siaki fa'amatalaga lata mai o le pisi o le auala ma suiga i le tulaga o auala
- afai e te iloa e inu sau pia, fuafua sou auala ia aua ai ne'i e ave ma inu se 'ava ona.



O iai nisi au fesili? Manatua e mafai ona e talanoa i le ta'ita'i o

lau vaega, falefaigaluega, tagata faigaluega pe e te viliina le laina lagolago a le PALM i le: 1800 51 51 31.

## Pe a e avea le ta'avale, e tatau ona:

- fai lou fusipa'u (ave ta'avale ma le pasese)
- ave i le saosaoa fa'atulagaina
- aua lava ne'i talanoa pe faia feau feavea'i i lau telefoni feavea'i
- mulimuli i tulafono o le auala, usita'i i fa'ailoilo ma laina o maka ai le auala.
- taula'i i le auala-aua ne'i e lē mautonu
- fa'asoa le saogalemū o le auala i isi aveta'avale
- aveave lemū i vaega o fai ai galuega o le auala, a'oga ma auala kolosi o nofoaafi.

